

# হারানো শৈশব



এন্ডিং চাইল্ড লেবার ইন বাংলাদেশ প্রকল্পাধীন বাংলাদেশ শিশু অধিকার ফোরামের ষাণ্মাসিক নিউজলেটার বর্ষ : ৩, সংখ্যা : ২, জুলাই-ডিসেম্বর ২০১৮

## সম্পাদকীয়

উন্নয়ন সহযোগী টেরে ডেস হোমস নেদারল্যান্ডস এর সহায়তায় তিন বছরব্যাপী (জানুয়ারি ২০১৬-ডিসেম্বর ২০১৮) বাস্তবায়িত প্রকল্প এ্যান্ডিং চাইল্ড লেবার ইন বাংলাদেশ সমাপ্তির একদমই দ্বারপ্রান্তে। পেছন ফিরে দেখলে দেখা যাবে বিগত তিন বছর অর্থাৎ প্রকল্প মেয়াদকালে কনসোর্টিয়ামভূক্ত তিনটি সংস্থা উদ্ভিদপন, ভার্ক ও বিএসএএফ স্বস্ব অংশের কার্যক্রম সূচরুভাবে বাস্তবায়ন করেছে। অনেক চ্যালেঞ্জ ও সীমাবদ্ধতা সত্ত্বেও নির্ধারিত সময়ের মধ্যেই লক্ষীত কার্যক্রম প্রায় শতভাগই সম্পন্ন করতে পেরেছে। আবার নবউদ্যমে শুরু হবে যাত্রা জানুয়ারি ২০১৯ থেকে, নতুন বছর, নতুন যাত্রা, নতুন পর্বের শুরু এবং নতুন নতুন চ্যালেঞ্জ। আমরাও প্রস্তুত। আশা করি আগামীতেও নিউজলেটার হারানো শৈশব তার অগ্রযাত্রা অব্যাহত রাখবে। সবাইকে ইংরেজি নতুন বছরের শুভেচ্ছা।

## বাংলাদেশ শিশু অধিকার ফোরাম (বিএসএএফ)



### জাতীয় পর্যায়ে শিশু অধিকার সপ্তাহ উদযাপন উপলক্ষে শিশু সমাবেশ, র্যালি এবং সাংস্কৃতিক অনুষ্ঠান আয়োজন

সারা দেশব্যাপি বিশ্ব শিশু দিবস ও শিশু অধিকার সপ্তাহ পালিত হয় ৭ অক্টোবর থেকে ১৩ অক্টোবর। এ বছরের শিশু অধিকার সপ্তাহের প্রতিপাদ্য ছিল, “গড়তে শিশুর ভবিষ্যৎ, স্কুল হবে নিরাপদ”।

বাংলাদেশ শিশু অধিকার ফোরাম (বিএসএএফ) দাতা সংস্থা- টেরে ডেস হোমস নেদারল্যান্ডস ও সহযোগী সংগঠন মানুষের জন্য ফাউন্ডেশন, এসওএস চিলড্রেনস ভিলেজ ইন্টারন্যাশনাল ইন বাংলাদেশ, ইসলামিক রিলিফ ওয়ার্ল্ডওয়াইড বাংলাদেশ ও শাপলানীড় এর সহযোগিতায় এবছর শিশু অধিকার সপ্তাহে বিভিন্ন কর্মসূচি পালন করে। যার মধ্যে উল্লেখযোগ্য হচ্ছে দেশব্যাপী পোস্টার বিতরণ, রাষ্ট্রের নীতি নির্ধারক এবং শ্রমজীবী শিশুদের নিয়ে ইলেকট্রনিক মিডিয়ায় মুখোমুখী সংলাপের আয়োজন, শিশুদের চিত্রাঙ্কন প্রতিযোগিতা, শিশু সমাবেশ এবং শিশুদের মনোজ্ঞ সাংস্কৃতিক অনুষ্ঠান।

### চিত্রাঙ্কন প্রতিযোগিতা

শিশু অধিকার সপ্তাহ পালনের উদ্দেশ্যে বিএসএএফ শ্রমজীবী শিশুদের নিয়ে ২৫ সেপ্টেম্বর চিত্রাঙ্কন প্রতিযোগিতার আয়োজন করে। এটি অনুষ্ঠিত হয় এসওএস চিলড্রেনস ভিলেজ

ইন্টারন্যাশনাল ইন বাংলাদেশ ঢাকায়। ১২টি ভিন্ন ভিন্ন সংগঠন থেকে মোট ৩৫ জন শিশু এই প্রতিযোগিতায় অংশগ্রহণ করেন। তাদের চিত্রশৈলী এবং সৃজনশীলতা বিচার করে বিচারকগণ ৫ টি সেরা চিত্রকে পুরস্কৃত করেন। প্রতিযোগিতায় এএসডির মিরাজ হোসেন (১৪) প্রথম স্থান অর্জন করেন। এছাড়া এসওএস চিলড্রেন ভিলেজের রুশনী রৌশান (১৪) এবং নারী মৈত্রীর ইমন ইসলাম (১৩) যথাক্রমে দ্বিতীয় এবং তৃতীয় স্থান লাভ করেন। এদিকে এসওএস চিলড্রেন ভিলেজ এর মো. নাজিম (১৩) চতুর্থ এবং এএসকে এর ইভা (১২) কে পঞ্চম স্থান লাভের জন্য পুরস্কৃত করা হয়। সেই সাথে প্রতিযোগিতায় অংশগ্রহণকারী সকল শিশুকেই প্রতিযোগিতায় অংশগ্রহণ করায় বিশেষ পুরস্কার প্রদান করা হয়।





## প্রশিক্ষক পুলের সদস্যদের বৈঠক এবং তাদেরকে পুনঃসংগঠিত করা

বিএসএএফ ১৬ জুলাই তার প্রশিক্ষক পুলের সদস্যদের নিয়ে বিএসএএফ সচিবালয়ে একটি সভার আয়োজন করে। এই প্রশিক্ষক পুলের সদস্যরা বিএসএএফএর সদস্য সংগঠনগুলোর সাথেও কাজ করে থাকে। উক্ত সভায় যে সকল সিদ্ধান্ত গৃহীত হয় তাহলো:

- প্রশিক্ষক পুলের সদস্যদের বৃত্তান্ত হালনাগাদ করে সদস্যদের তালিকা হালনাগাদ করা।
- বিএসএএফ তার সদস্য সংগঠনগুলোর কাছ থেকে নতুন নতুন প্রশিক্ষকের বিষয়বস্তুর অনুসন্ধান করবে।
- বিএসএএফ প্রশিক্ষক পুলের সদস্যদের অন্যান্য সদস্য সংগঠনসমূহের বিভিন্ন প্রশিক্ষণে সহায়ক হিসেবে কাজ করার সুযোগ সৃষ্টি করবে।

## শ্রমজীবী শিশু এবং নীতি নির্ধারকদের মধ্যে সংলাপ

শিশুদের অধিকার আদায়ের ক্ষেত্র আরও বৃদ্ধির উদ্দেশ্যে বিএসএএফ এবং এর উন্নয়ন সহযোগীরা একটি সংলাপের আয়োজন করে। যেখানে উপস্থিত ছিলেন সংসদ সদস্য এবং জাতীয় সংসদের শিশু অধিকার বিষয়ক বিশেষ কমিটির চেয়ারম্যান মো. মীর শওকত আলী বাদশাহ, এর সদস্য জেবুন্নেসা আফরোজ, এমপি; এবং বিএসএএফ এর পরিচালক আবদুছ সহিদ মাহমুদ। এই সংলাপে এতীম এবং ঝুঁকিপূর্ণ কাজে নিয়োজিত আছে এমন তিনজন শিশু অংশগ্রহণ করেছেন। শিশুরা উপস্থিত সংসদ সদস্যগণকে তাদের অধিকার বিষয়ক বিভিন্ন প্রশ্ন করেন এবং সংসদ সদস্যগণ তার উত্তর প্রদান করেন। সাংসদগণ শিশুদেরকে আশ্বস্ত করেন যে, সরকার দেশের শিশুদের কল্যাণে নিরন্তর কাজ করে চলছে এবং আরও ভালো কাজের উদ্যোগ গ্রহণ করেছে। এই সংলাপটি শিশু অধিকার সপ্তাহ চলাকালে (১ অক্টোবর) আরটিভিতে প্রচার করা হয়।

## শিশু অধিকার সপ্তাহ উপলক্ষে পোস্টার ক্যাম্পেইন এবং ডেস্ক ক্যালেন্ডার প্রকাশ

"গড়তে শিশুর ভবিষ্যৎ, স্কুল হবে নিরাপদ" প্রতিপাদ্যটিকে আলোকপাত করে শিশু অধিকার সপ্তাহ উপলক্ষে বিএসএএফ দেশব্যাপী ৫ হাজার পোস্টার বিতরণ করে। এসব পোস্টার বিভিন্ন মন্ত্রণালয়, স্থানীয় প্রশাসন, জাতীয় ও আন্তর্জাতিক উন্নয়ন সংস্থার কাছে প্রেরণ করা হয়। এছাড়া বিএসএএফ ২০১৯ সালের জন্য ডেস্ক ক্যালেন্ডার মুদ্রণ এবং দেশব্যাপী তা বিতরণ করে।



## উপজেলা শিশু কল্যাণ বোর্ড সক্রিয়করণ এবং ত্রৈমাসিক সভা

বাগেরহাটের সদর এবং শরণখোলা, মেহেরপুর সদর, রাজশাহীর পবা, পটুয়াখালি সদর, নাটোর সদর, টাঙ্গাইল সদর, নারায়ণগঞ্জ সদর এবং ঢাকার সাভারে উপজেলা শিশু কল্যাণ বোর্ডের ত্রৈমাসিক সভার আয়োজন করা হয়। উপজেলা নির্বাহী কর্মকর্তার সভাপতিত্বে এই সকল সভা পরিচালিত হয়। চট্টগ্রাম জেলার বাশখালীতে ও নরসিংদী সদর উপজেলায় যথাক্রমে গত ২০ ও ২৩ ডিসেম্বর উপজেলা শিশু কল্যাণ বোর্ডের প্রথম সভা উপজেলা নির্বাহী কর্মকর্তায় সভাপতিত্বে অনুষ্ঠিত হয়। নির্বাচনী প্রচারণায় যাতে শিশুদের ব্যবহার করা না হয় সভাসমূহে তা বিশেষভাবে আলোচনা করা হয়।



উক্ত সভাসমূহে শিশু কল্যাণ বোর্ডের সদস্যসহ মোট ১৬৭ জন উপস্থিত ছিলেন। এই সভায় উপস্থিত ব্যক্তিবর্গ স্থানীয় শিশু অধিকার পরিস্থিতি নিয়ে আলোচনা করেন এবং পরবর্তী ৩ মাসের জন্য কর্মপরিকল্পনা নির্ধারণ করেন।

## নিকৃষ্ট ধরণের শিশুশ্রম বিষয়ে নীতিনির্ধারকদের সাথে জাতীয় গোলটেবিল বৈঠক আয়োজন

গত ২৪ জুলাই বিএসএএফ ডেইলি স্টার ভবনে "আইএলও কনভেনশন ১৩৮ এবং ১৮৯ অনুমোদনঃ নিকৃষ্ট ধরণের শিশুশ্রম নির্মূল" শীর্ষক একটি গোলটেবিল বৈঠকের আয়োজন করে। যেখানে প্রধান অতিথি হিসেবে উপস্থিত ছিলেন শ্রম ও কর্মসংস্থান মন্ত্রণালয়ের মাননীয় প্রতিমন্ত্রী মো. মুজিবুল হক চুল্লু। এছাড়াও উপস্থিত ছিলেন মো. ইসরাফিল আলম এমপি, আইএলও বাংলাদেশ এর কান্ট্রি ডিরেক্টর তুমো পুতিয়ানিন, সরকারি কর্মকর্তাবৃন্দ, এনজিও প্রতিনিধিবৃন্দ এবং গণমাধ্যম কর্মীরা। এই সভায় মাননীয় প্রতিমন্ত্রী গৃহকর্মীদের সুরক্ষায় সরকারের পরিকল্পনার কথা ব্যক্ত করেন। সেইসাথে শিশুশ্রম নির্মূলে সরকারের অঙ্গীকার পুনঃব্যক্ত করেন।

গোলটেবিলে মূলপ্রবন্ধ পাঠ করেন ঢাকা বিশ্ববিদ্যালয়ের আইন বিভাগের অধ্যাপক ড. নাজমুজ্জামান ভূঁইয়া এবং সভার সভাপতিত্ব করেন বিএসএএফএর চেয়ারপার্সন মো. এমরানুল হক চৌধুরী।

## বাংলাদেশের শিশুশ্রম পরিস্থিতি নিয়ে শিশু অধিকার বিষয়ক সংসদীয় ককেশের সাথে গোলটেবিল আলোচনা

জাতীয় সংসদে শিশু অধিকার বিষয়ক সংসদীয় ককেশ এবং বাংলাদেশ শিশু অধিকার ফোরাম (বিএসএএফ) এর যৌথ আয়োজনে গত ১৯ সেপ্টেম্বর জাতীয় সংসদের আইপিডি কনফারেন্স হলে একটি গোলটেবিল আলোচনার আয়োজন করা হয়। এই সভার মূল আলোচ্য বিষয় ছিল বাংলাদেশের শিশুশ্রম পরিস্থিতি এবং সংসদ সদস্যদের ভূমিকা। সভায় প্রধান অতিথি সহ ৯ জন সংসদ সদস্য উপস্থিত ছিলেন। সেইসাথে বিভিন্ন মন্ত্রণালয়ের সরকারি কর্মকর্তা,



এনজিও/আইএনজিও প্রতিনিধিবৃন্দ এবং সংবাদকর্মীরা উপস্থিত ছিলেন। সভায় মূলপ্রবন্ধ পাঠ করেন অধ্যাপক ড. নাজমুজ্জামান এবং সভার সঞ্চালক হিসেবে দায়িত্ব পালন করেন বিএসএএফ এর পরিচালক আবদুছ সহিদ মাহমুদ। প্রাতিষ্ঠানিক খাতে সম্পূর্ণভাবে শিশুশ্রম নিরসন বিল অনুমোদনের জন্য কাজ করা এবং ২০১৫ সালের গৃহকর্মী সুরক্ষা ও কল্যাণ নীতি বাস্তবায়ন নিশ্চিত করার প্রতি জোর দেওয়ার বিষয়ে এই বৈঠকে আলোচনা করা হয়। এছাড়া ২০২৫ সালের মধ্যে যেন বাংলাদেশ থেকে সম্পূর্ণভাবে শিশুশ্রম নির্মূল করা যায় সেই ব্যাপারে কর্মপন্থা নির্ধারণী মূলক আলোচনাও করা হয়।

## শিশু অধিকার সাংবাদিক ফোরামের সদস্যদের নিয়ে কলকারখানা পরিদর্শনের আয়োজন

বিএসএএফ “এন্ডিং চাইল্ড লেবার” প্রকল্পের আওতায় গত ১০ সেপ্টেম্বর ৪ জন সংবাদ কর্মীকে নিয়ে শিশুশ্রম নিয়োজিত আছে এমন কলকারখানা পরিদর্শন করেন। তারা ঢাকার কামরাঙ্গির চরের বিভিন্ন অপ্রাতিষ্ঠানিক এলুমিনিয়াম, প্লাস্টিক এবং ড্রাম তৈরির কারখানা পরিদর্শন করেন। পরিদর্শনকালে তারা কর্মে নিয়োজিত শিশু, নিয়োগকর্তা, অভিভাবক এবং এনজিও প্রতিনিধিদের সাথে কথা বলেন। এই পরিদর্শনের আলোকে পরবর্তীতে বিভিন্ন গণমাধ্যমে শিশুশ্রম নিরসন বিষয়ক ফিচার প্রকাশিত হয়।

## অপ্রাতিষ্ঠানিক খাত হতে ঝুঁকিপূর্ণ শিশুশ্রম নিরসনের লক্ষ্যে নীতিনির্ধারকদের সাথে গোলটেবিল বৈঠক



বিএসএএফ ১২ নভেম্বর সিরডাপ মিলনায়তনে, টেরে ডেস হোমস নেদারল্যান্ডস ও গ্লোবাল মার্চ এগেইনস্ট চাইল্ড লেবারের সহায়তায় “অপ্রাতিষ্ঠানিক খাতে শিশুশ্রম দূরীকরণঃ এসডিজি লক্ষ্যমাত্রা ৮.৭ অর্জনের ক্ষেত্রে চ্যালেঞ্জসমূহ এবং তা উত্তরণের উপায়” শীর্ষক একটি আলোচনা সভার আয়োজন করে। অনুষ্ঠানে প্রধান অতিথি হিসেবে উপস্থিত ছিলেন জাতীয় মানবাধিকার কমিশনের চেয়ারম্যান কাজী রিয়াজুল হক। এছাড়া বিশেষ অতিথি হিসেবে উপস্থিত ছিলেন, কলকারখানা ও প্রাতিষ্ঠান পরিদর্শন অধিদপ্তরের মহা পরিদর্শক শামসুজ্জামান ভূঁইয়া, শ্রম ও কর্মসংস্থান মন্ত্রণালয়ের

## শিশু অধিকার পরিস্থিতি ২০১৮ (জুলাই-ডিসেম্বর)



অতিরিক্ত সচিব সাকিউন নাহার বেগম এবং টেরে ডেস হোমস নেদারল্যান্ডস এর কান্ট্রি ডিরেক্টর মাহমুদুল কবির। বিএসএএফ এর চেয়ারপার্সন ড. খাজা সামসুল হুদা'র সভাপতিত্বে উক্ত অনুষ্ঠানে স্বাগত বক্তব্য প্রদান করেন বিএসএএফ এর পরিচালক আবদুছ সহিদ মাহমুদ।

### শিশু গৃহকর্মীদের সুরক্ষা, তাদের সমস্যা এবং এর থেকে উত্তরণের পছা নিয়ে আলোচনা সভা

বাংলাদেশের প্রচলিত কোন আইনেই শ্রম হিসেবে গৃহকাজে শিশু শ্রমিকদের কোনরূপ স্বীকৃতি দেওয়া হয় নি। যেকোন বিবেচনায় এটি শিশুদের জন্য ঝুঁকিপূর্ণ হলেও ৩৮টি ঝুঁকিপূর্ণ শিশুশ্রমের তালিকায় এর উল্লেখ নেই। এপ্রেক্ষিতে টেরে ডেস হোমস নেদারল্যান্ডস এবং গ্লোবাল মার্চ এগেইনস্ট চাইল্ড লেবার এর সহায়তায় বিএসএএফ ১৭ ডিসেম্বর "গৃহ শিশুশ্রম ও মানবাধিকারঃ সুরক্ষা, চ্যালেঞ্জ এবং উত্তরণের উপায়" শীর্ষক আলোচনা সভার আয়োজন করে। ডেইলি স্টার ভবনে অনুষ্ঠিত উক্ত অনুষ্ঠানে মানবাধিকার কর্মী এবং তত্ত্বাবধায়ক সরকারের সাবেক উপদেষ্টা অ্যাডভোকেট সুলতানা কামাল প্রধান অতিথি এবং টেরে ডেস হোমস নেদারল্যান্ডস এর কান্ট্রি ডিরেক্টর মাহমুদুল কবির ও শাপলা নীড় এর কান্ট্রি ডিরেক্টর তোমোকো উচিয়ামা বিশেষ অতিথি হিসেবে উপস্থিত ছিলেন। বিএসএএফ এর চেয়ারপার্সন ড. খাজা সামসুল হুদা'র সভাপতিত্বে উক্ত অনুষ্ঠানে স্বাগত বক্তব্য প্রদান করেন বিএসএএফ এর পরিচালক আবদুছ সহিদ মাহমুদ।



শিশু নির্যাতনের ধরণ	জুলাই-সেপ্টেম্বর	অক্টোবর-ডিসেম্বর	মোট জুলাই-ডিসেম্বর (২০ ডিসেম্বর পর্যন্ত)
ধর্ষণ	১৪৩	৭৫	২১৮
হত্যা	৯৮	১০১	১৯৯
সড়ক দুর্ঘটনায় নিহত	১৪৯	১০৭	২৫৬
পানিতে ডুবে নিহত	২৯৬	৭৪	৩৭০
আত্মহত্যা	৭৮	৪৭	১২৫
নিখোঁজ	৪৬	৪১	৮৭
নিখোঁজ পরবর্তী মৃত অবস্থায় পাওয়া	১৮	৪	২২
অপহরণ	৩৭	৩০	৬৭
অপহরণের পর উদ্ধার	৪৯	১৭	৬৬
শিক্ষা প্রতিষ্ঠানে শারীরিক নির্যাতনে আহত	১৮	২	২০
পিতা-মাতার হাতে নিহত	১৩	৮	২১

২০১৮ সালের প্রথম ৬ মাসের তুলনায় পরবর্তী সময়কালে (জুলাই-ডিসেম্বর) শিশু ধর্ষণের ঘটনা কমেছে। জানুয়ারি থেকে জুন পর্যন্ত যেখানে শিশু ধর্ষণের ঘটনা ঘটেছিল ৩১২টি সেখানে জুলাই থেকে ডিসেম্বরের ২০ তারিখ পর্যন্ত এমন ঘটনা ঘটেছে ২১৮টি। এই ২১৮টি ধর্ষণ হওয়া শিশুর মধ্যে ৪০টি শিশুকে গণধর্ষণ করা হয়েছে এবং ১৩টি প্রতিবন্ধী শিশুকে ধর্ষণ করা হয়েছে।

২০১৮ সালে পানিতে ডুবে শিশু মারা যাওয়ার ঘটনা বৃদ্ধি পেয়েছে আশঙ্কাজনকভাবে। বছরের শেষ ছয় মাসে পানিতে ডুবে শিশু মৃত্যুর সংখ্যা ৩৭০ টি। যেখানে বছরের প্রথম ছয় মাসে ছিল ২১৪টি। শুধুমাত্র

জুলাই মাসেই ১৬৫টি শিশু পানিতে ডুবে মারা যায়। যা কিনা এবছর মোট পানিতে ডুবে মারা যাওয়া শিশুর ২৮.২৫ শতাংশ। অভিভাবকদের সচেতনতার অভাব আর বর্ষাকালের জনপদ ডুবে যাওয়াই মূলত পানিতে ডুবে এতো বেশি শিশু মৃত্যুর কারণ।

এদিকে এই বছরের শেষ ৬ মাসে ১৯৯টি শিশু হত্যা করা হয়েছে, ৬৭টি শিশু অপহরণ করা হয়েছে এবং ৮৭ টি শিশু নিখোঁজ হয়েছে। যার মধ্যে ২২ টি শিশুকে নিখোঁজ হওয়ার পর মৃত অবস্থায় উদ্ধার করা হয়, এবং ২১টি শিশু বাবা-মায়ের হাতে হত্যার শিকার হয়েছে। অপহরণ হওয়া শিশুদের মধ্যে ৬৬টি শিশুকে অপহরণের পর আইন শৃঙ্খলা রক্ষা বাহিনীর দ্রুত ব্যবস্থা গ্রহণের ফলে জীবিত উদ্ধার করা গিয়েছে।

## ইউনাইটেড ডেভেলপমেন্ট ইনিশিয়েটিভস ফর প্রোগ্রামড অ্যাকশনস (উদ্বীপন)

### শিক্ষার্থী ভর্তি

উদ্বীপন টিভিইটি সেন্টার জুলাই মাসে ইলেকট্রিক্যাল, ইলেকট্রনিক্স ও ওয়েল্ডিং ট্রেডে ২০ জন করে মোট ৬০ জন এবং অক্টোবর মাসে গার্মেন্টস ও লেদার ট্রেডে ২০ জন করে মোট ৪০ জন শিক্ষার্থীর ভর্তি কার্যক্রম সম্পন্ন হয়েছে।

### ট্রেড কোর্সের চূড়ান্ত মূল্যায়ন

উদ্বীপন টিভিইটি সেন্টারের ৫টি ট্রেডের শিক্ষার্থীদের চূড়ান্ত মূল্যায়ন (লিখিত ও মৌখিক) ১৮ ডিসেম্বর হতে ২০ ডিসেম্বর ২০১৮ সময়ের মধ্যে সম্পন্ন হয়েছে।



### জব ফেয়ার

উদ্বীপন টিভিইটি সেন্টারের উদ্যোগে ১৩ ডিসেম্বর স্থানীয় এক রেস্তোরাঁতে একটি জব ফেয়ার অনুষ্ঠিত হয়। উক্ত অনুষ্ঠানে গাজী ওয়্যারস এর সাবেক জেনারেল

### স্টেকহোল্ডার মিটিং

উদ্বীপন টিভিইটি সেন্টারে গত ১৮ সেপ্টেম্বর ও ১২ নভেম্বর ২টি স্টেকহোল্ডার মিটিং অনুষ্ঠিত হয়েছে। উক্ত মিটিং এ কমিউনিটি লিডার, অভিবাবক, ধর্মীয় নেতা ও বিভিন্ন কারিগরি শিক্ষা প্রতিষ্ঠানের প্রতিনিধিবৃন্দ উপস্থিত ছিলেন।





উক্ত মিটিং এ ম্যাক্স সাজ লিঃ এর ডিপুটি জেনারেল ম্যানেজার আতাউর রহমান প্রধান অতিথি এবং এফএমসি ডকইয়ার্ড এর এজিএম প্রোডাকশন মাহমুদুল হাসান বিশেষ অতিথি হিসাবে উপস্থিত ছিলেন। সভায় চাকুরী দাতাগন জানান যে, ইতোপূর্বে উদ্দীপন টিভিইটি সেন্টার এর প্রশিক্ষণপ্রাপ্ত গ্রেজুয়েটরা তাদের প্রতিষ্ঠানে দক্ষতা ও সততার সাথে অবদান রাখছে। আমরা আশা করব এই প্রকল্প ভবিষ্যতেও দক্ষ কর্মী তৈরীর মাধ্যমে শিল্প প্রতিষ্ঠানে গুণগত মানসম্পন্ন কর্মীর চাদি পুরণে ভূমিকা রাখবে। উক্ত এমপ্লয়ারস মিটিংয়ে ট্রেডভিত্তিক বিভিন্ন ইন্ডাস্ট্রির ২৭জন এমপ্লয়ার উপস্থিত ছিলেন। মিটিংয়ে সভাপতিত্ব করেন উদ্দীপন টিভিইটি প্রধান এবং লীড ফোকাল ইসিএলপি ড. এস এম শহীদুল্লাহ।

ম্যানেজার এসবিএম জানে আলম প্রধান অতিথি এবং উদ্দীপনের ফিল্ড অপারেশন ডিরেক্টর এমএফপি মোহাম্মদ মনিরুল ইসলাম বিশেষ অতিথি হিসাবে উপস্থিত ছিলেন। উক্ত জব ফেয়ারে বিভিন্ন ইন্ডাস্ট্রির চাকুরীদাতা ও বিভিন্ন কারিগরি শিক্ষা প্রতিষ্ঠানের প্রতিনিধিগণ উপস্থিত ছিলেন। উক্ত জব ফেয়ার থেকে চাকুরী দাতাগন ১০০ জন শিক্ষার্থীকে চাকুরী প্রদান করেন। অনুষ্ঠানটি সভাপতিত্ব করেন উদ্দীপন টিভিইটি প্রধান এবং লীড ফোকাল ইসিএলপি ড. এস এম শহীদুল্লাহ। সমগ্র অনুষ্ঠানটি পরিচালনা করেন উন্মো কাউসার সুমনা, টেকনিক্যাল কোর্স ডিরেক্টর ইসিএলপি কনসোর্টিয়াম ও আজহার আলী সরকার, অধ্যক্ষ ও উদ্দীপন টিভিইটি।



### এমপ্লয়ারস মিটিং

এই রিপোর্টকালীন মেয়াদে উদ্দীপন টিভিইটি সেন্টারের উদ্যোগে ১৩ ডিসেম্বর স্থানীয় এক রেস্তুরেন্টে একটি এমপ্লয়ারস মিটিং অনুষ্ঠিত হয়।

### ইন্টারশীপ

উদ্দীপন টিভিইটি সেন্টার পাঁচটি ট্রেডে মোট ৯৫ জন গ্রেজুয়েট শিক্ষার্থী চট্টগ্রামের বিভিন্ন ইন্ডাস্ট্রিতে ইন্টারশীপ করছে। এদের মধ্যে ৫৪ জন বালক এবং ৪১ জন বালিকা।



### জাতীয় শোক দিবস উদযাপন

উদ্দীপন টিভিইটি সেন্টার গত ১৫ আগষ্ট ২০১৮ শিক্ষার্থীদের অংশগ্রহণে জাতীয় শোক দিবস উদযাপন করে। উক্ত দিবসে আলোচকগন বঙ্গবন্ধু শেখ মুজিবুর রহমানের জীবনীসহ বাংলাদেশের স্বাধীনতার ইতিহাস নিয়ে আলোচনা করেন।

## ভিলেজ এডুকেশন রিসোর্স সেন্টার (ভার্ক)

### ঝুঁকিপূর্ণ শিশুশ্রম মুক্ত সাতার উপজেলা শীর্ষক আলোচনা সভা ও সাংস্কৃতিক অনুষ্ঠান:

ঝুঁকিপূর্ণ শ্রমে নিয়োজিত শিশুর জন্য নিরাপদ কর্ম পরিবেশ তৈরী, কর্ম ঘন্টা কমানো, ন্যায্য বেতন, লেখাপড়া ও বিনোদনের সুযোগ তৈরীর জন্য পিতামাতা, অভিভাবক এবং প্রতিষ্ঠানের মালিকদের শিশু অধিকার বিষয়ে সচেতনতা তৈরীর মাধ্যমে তাদের মনোভাবের ইতিবাচক পরিবর্তন এর উদ্দেশ্যকে সামনে রেখে ৩০ নভেম্বর সাতারে উক্ত অনুষ্ঠানের আয়োজন করা হয়। এ বছরের প্রতিপাদ্য বিষয় ছিল- প্রজন্ম : নিরাপত্তা ও সুস্বাস্থ্য।

অনুষ্ঠানে প্রধান অতিথি হিসেবে উপস্থিত ছিলেন সাতার সার্কেল এর সহকারি কমিশনার (ভূমি) প্রণব কুমার ঘোষ। বিশেষ অতিথি হিসেবে



উপস্থিত ছিলেন মো. ইয়াকুব হোসেন, নিবাহী পরিচালক, ভার্ক; ড.এস.এম. শহিদুল্লাহ, এসিস্ট্যান্ট ডিরেক্টর, এমএফপি এবং লীড ফোকাল পারসন, ইসিএলপি, উদ্দীপন এবং আয়েশা আক্তার, সভাপতি, সাতার উপজেলা অগ্রগামী শিশু পরিষদ। অনুষ্ঠানটিতে সভাপ্রধানের দায়িত্ব পালন করেন সভাপতি, উপজেলা শিশু সুরক্ষা মনিটরিং কমিটির সভানেত্রী রোকেয়া হক। সাংস্কৃতিক অনুষ্ঠানে বিভিন্ন শিল্পীগণ শিশু অধিকার ভিত্তিক নাটক, বাউল গান, আধুনিক ও দেশাত্মবোধক সংগীত পরিবেশন করেন।

### আন্তর্জাতিক স্বাক্ষরতা দিবস ও শিশু অধিকার সপ্তাহ উদযাপন:

প্রকল্পের পক্ষ থেকে আন্তর্জাতিক স্বাক্ষরতা দিবস ৮ সেপ্টেম্বর এবং ০৮ অক্টোবর থেকে ১৪ অক্টোবর পর্যন্ত শিশু অধিকার সপ্তাহ উদযাপন করা হয়।

স্বাক্ষরতা দিবসে স্কুলের শিক্ষার্থী ও সিএলও সদস্যরা সাতার উপজেলা প্রশাসন আয়োজিত র্যালীতে যোগ দেয় এবং র্যালী শেষে আলোচনা

সভায় অংশগ্রহণ করে। শিশু অধিকার সপ্তাহ উপলক্ষ্যে ১৩ নভেম্বর গৃহকর্মে নিয়োজিত শিশুদের নিয়ে একটি র্যালীর আয়োজন করা হয়। এই র্যালীতে এন্ড্রি চাইল্ড লেবার ইন বাংলাদেশ প্রকল্পের আওতায় চলমান ১৭৫ জন গৃহকর্মে নিয়োজিত শিশু অংশগ্রহণ করে। এরপর শিশুদের অংশগ্রহণে একটি সাংস্কৃতিক অনুষ্ঠানের আয়োজন করা হয়।

### কলকারখানা পরিদর্শক ও অগ্রগামী শিশুপরিষদের সাথে সংলাপ:

২৫ সেপ্টেম্বর কলকারখানা পরিদর্শক ও অগ্রগামী শিশু পরিষদের মধ্যে এক সংলাপ অনুষ্ঠিত হয়েছে। সংলাপে অগ্রগামী শিশু পরিষদের উপজেলা কমিটির সদস্য ও কলকারখানা পরিদর্শক শাহানা আকতার উপস্থিত ছিলেন। বিভিন্ন কলকারখানায় কাজ করতে গিয়ে শিশুরা কী ধরণের সমস্যার সম্মুখীন হয় অংশগ্রহণকারী শিশুরা প্রথমেই সে বিষয়গুলো তুলে ধরে এবং মালিকদের সাথে কাজ করতে গিয়ে সিএলও

শিশুরা কি ধরনের চ্যালেঞ্জ এর সম্মুখীন হয়, সেই বিষয়গুলোও তুলে ধরা হয়। এরপর কলকারখানা পরিদর্শক, শিশুশ্রম বন্ধের লক্ষ্যে শিশুদের এই প্রচেষ্টাকে স্বাগত জানিয়ে তাদের সর্বাঙ্গিক সহযোগিতা করার আশ্বাস দেন। এছাড়াও তিনি একটি হেল্প লাইন নাম্বার দেন, যেখানে শিশুরা ফোন করে কোন মালিকের বিরুদ্ধে অভিযোগ থাকলে তা জানাতে পারবে।

অগ্রগামী শিশু পরিষদের সাথে সংলাপের আগে কলকারখানা পরিদর্শক শাহানা আকতার ভাগলপুর এনএফপি স্কুল এবং কয়েকটি ইনফরমাল কারখানা পরিদর্শন করেন।

### শ্রমজীবী শিশুদের ভোকেশনাল প্রশিক্ষণ প্রদান:

ঝুঁকিপূর্ণ শ্রমে নিয়োজিত শিশুদের সরিয়ে এনে তাদের পুনর্বাসনের অংশ হিসেবে ভোকেশনাল প্রশিক্ষণের ব্যবস্থা করা হয়েছে। এন্ডিং চাইল্ড লেবার ইন বাংলাদেশ প্রকল্পের আওতায় এবছর ৭৫ জন শ্রমজীবী শিশুকে ভোকেশনাল প্রশিক্ষণ প্রদান করা হয়েছে। বিউটি পার্লার, গার্মেন্টস সেলাই, ইলেকট্রনিক্স মেকানিক ও কম্পিউটার



পুলিশ, সুশীল সমাজের প্রতিনিধি, শিশু সুরক্ষা মনিটরিং কমিটির সভাপতি ও সদস্য, অগ্রগামী শিশু পরিষদের সদস্যরা উপস্থিত ছিলেন।

### ট্রেড ইউনিয়ন ও মালিকদের সাথে শিশু সুরক্ষা বিষয়ক মতবিনিময় সভা:

গত ৬ ডিসেম্বর ট্রেড ইউনিয়ন ও মালিকদের সাথে শিশু সুরক্ষা বিষয়ক মতবিনিময় সভা অনুষ্ঠিত হয়। সভায় ট্রেড ইউনিয়ন ও মালিকদের মোট ১৬ জন, উপজেলা অগ্রগামী শিশু পরিষদের সভাপতি এবং এন্ডিং চাইল্ড লেবার ইন বাংলাদেশ প্রকল্পের কর্মকর্তারা উপস্থিত ছিলেন। সভায় শিশু বান্ধব পরিবেশ সৃষ্টিতে মালিক ও শ্রমিক নেতাদের করণীয় সম্পর্কে সুনির্দিষ্ট আলোচনা করা হয়।



মোট এই চারটি ট্রেডের ওপর ৭৫ জন শিশুকে প্রশিক্ষণ প্রদান করা হয়। প্রশিক্ষণ পেয়ে এদের মধ্যে এখন ৪০ জন শিশু ঝুঁকিপূর্ণ কাজ থেকে সরে এসে বিভিন্ন গার্মেন্টস ও সেলাই এর কাজ করছে। বাকিরাও কাজের জন্য চেষ্টা করছে।

### উপজেলা দায়িত্ববাহকদের সাথে সংলাপ:

সভার উপজেলায় কর্মরত সরকারের বিভিন্ন বিভাগের কর্মকর্তাদের সাথে এন্ডিং চাইল্ড লেবার ইন বাংলাদেশ প্রকল্পের অগ্রগতি, চ্যালেঞ্জ এবং স্থায়ীত্বশীলতার জন্য করণীয় বিষয়ক সংলাপ অনুষ্ঠিত হয়েছে। গত ২০ নভেম্বর উপজেলা কনফারেন্স রুমে এই সংলাপ অনুষ্ঠিত হয়। সংলাপে উপজেলা নির্বাহী অফিসার, সমাজসেবা অফিসার, সাংবাদিক,



### মালিকদের সাথে ত্রৈমাসিক সভা:

এনএফপিই ২০টি সেন্টারের শিশুদের মালিক ও অভিভাবকগণের সাথে অক্টোবর মাসে ১০টি ত্রৈমাসিক সভার আয়োজন করা হয়। সভায় স্কুলের বর্তমান অবস্থা, অর্ধ-বার্ষিক পরীক্ষা, মাসিক মূল্যায়ন পরীক্ষা এবং শিশুর প্রতি শান্তি, নির্যাতন ও বৈষম্য এবং শিশু অধিকার নিয়ে আলোচনা করা হয়। মোট ২২৯ জন অংশগ্রহণকারী এসব ত্রৈমাসিক সভায় অংশগ্রহণ করেন।

### সম্পাদকীয় পরিষদ

আবদুছ সহিদ মাহমুদ, বিএসএএফ  
ড. এস এম শহীদুল্লাহ, উদ্দীপন

### বাংলাদেশ শিশু অধিকার ফোরাম (বিএসএএফ)

বাড়ি # ৪২/৪৩ (লেভেল # ২), রোড # ২  
জনতা কো-অপারেটিভ হাউজিং সোসাইটি, রিং রোড, আদাবর, ঢাকা-১২০৭, বাংলাদেশ  
ফোন # (পিএবিএক্স) +৮৮-০২-৯১১৬৪৫৩, ফ্যাক্স # +৮৮-০২-৯১১০০১৭  
E-mail: bsaf@bdcom.net; info@bsafchild.net Web: www.bsafchild.net

### আর্থিক সহযোগিতায়

terre des hommes  
stops child exploitation

